

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA KUMI NA MBILI**

**18 APRILI, 2018**



## **ORODHA YA SHUGHULI ZA LEO**

### **MKUTANO WA KUMI NA MOJA**

**KIKAO CHA KUMI NA MBILI – TAREHE 18 APRILI, 2018**

**I. DUA:**

**II. HATI ZA KUWASILISHA MEZANI:**

**WAZIRI WA AFYA, MAENDELEO YA JAMII, JINSIA, WAZEE NA WATOTO:**

Randama za Makadirio ya Mapato na Matumizi ya Wizara ya Afya, Maendeleo ya Jamii, Jinsia, Wazee na Watoto kwa Mwaka wa Fedha 2018/2019.

**WAZIRI WA KATIBA NA SHERIA:**

Hotuba ya Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2018/2019.

**MWENYEKITI WA KAMATI YA KUDUMU YA BUNGE YA KATIBA NA SHERIA:**

Taarifa ya Kamati ya Kudumu ya Bunge ya Katiba na Sheria kuhusu Utekelezaji wa Majukumu ya Wizara ya Katiba na Sheria kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

### **MWENYEKITI WA KAMATI YA KUDUMU YA BUNGE YA BAJETI:**

Taarifa ya Kamati ya Kudumu ya Bunge ya Bajeti kuhusu Maoni ya Kamati hiyo kuhusu Utekelezaji wa Bajeti ya Mfuko wa Mahakama kwa Mwaka wa Fedha 2017/2018 pamoja na Makadirio ya Mapato na Matumizi kwa Mwaka wa Fedha 2018/2019.

### **III. MASWALI:**

#### **OFISI YA RAIS (TAMISEMI):**

#### **95. MHESHIMIWA SALMA RASHID KIKWETE (KUTEULIWA):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

- (a) Kwa kuwa elimu ni haki ya kila Mtoto, Je, Serikali inawasaidiaje Watoto wenye Usonji ili nao wapate elimu;

- (b) Je, Walimu wanaofundisha Watoto hao wanatosheleza kwa mujibu wa Ikama;
- (c) Kwa kuwa Watoto hao wana mazingira tete, Je, Walimu wao wana utaalam wa kutosha.

**96. MHESHIMIWA MUNDE ABDALLAH TAMBWE (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itatoa fedha kwa ajili ya kumalizia ujenzi wa Hospitali ya Wilaya katika Manispaa ya Tabora.

**OFISI YA RAIS (UTUMISHI NA UTAWALA BORA):**

**97. MHESHIMIWA SONIA JUMAA MAGOGO (VITI MAALUM):**

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

Je, Serikali ina mpango gani wa kuwasaidia kinamama ambao wanajifungua kabla ya kipindi cha kuruhusiwa kupata tena miezi mitatu ya mapumziko ili waweze kuwahudumia

(kuwanyonyesha) Vichanga hao huku  
wakiendelea na majukumu yao ya kiofisi.



## **WIZARA YA MALIASILI NA UTALII:**

### **98. MHESHIMIWA RICHARD PHILLIP MBOGO (NSIMBO):**

Atamuuliza Mheshimiwa Waziri wa Maliasili na Utalii:- Serikali imeendelea na juhudi mbalimbali za kulinda Nyara za Serikali:-

Je, Vitalu vya Uwindaji vinachangia kiasi gani katika upotevu wa Nyara za Serikali.

## **WIZARA YA MAMBO YA NDANI YA NCHI:**

### **99. MHESHIMIWA IBRAHIM MOHAMEDALI RAZA (KIEMBE SAMAKI):**

Atamuuliza Mheshimiwa Waziri wa Mambo ya Ndani ya Nchi:- Kituo cha Polisi Mazizini kilichopo Kiembe Samaki kipo katika hali mbaya na hakina vitendea kazi, jengo ni chakavu, hakina gari na mazingira yake hayaridhishi:-

Je, ni lini Serikali itaboresha Kituo hicho kwa kutatua changamoto zilizopo.

## **WIZARA YA ELIMU, SAYANSI NA TEKNOLOJIA:**

### **100. MHESHIMIWA DKT. IMMACULATE SWARE SEMESI (VITI MAALUM):**

Atamuuliza Mheshimiwa Waziri wa Elimu, Sayansi na Teknolojia:- Kwa ujumla Serikali haiwatumii ipasavyo Wanazuoni kama Watafiti, hasa katika eneo la tafiti ya sayansi kwa kukuza sekta ya viwanda:-

Je, ni kwa nini Vyuo Vikuu vya Serikali havipati fungu la fedha kwa ajili ya tafiti ili kutoa suluhisho mbalimbali na miongozo ya kimaendeleo yenye misingi ya tafiti kisayansi.

### **101. MHESHIMIWA JEROME DISMAS BWANAUSI (LULINDI):**

Atamuuliza Mheshimiwa Waziri wa Elimu, Sayansi na Teknolojia:- Wakati Serikali inafanya juhudi za kuongeza idadi ya Walimu na kulipa stahili zao:-

(a) Je, ni lini Serikali itaona umuhimu wa kurudisha Chuo cha Ualimu Ndwika badala ya Sekondari kama ilivyo sasa;

(b) Je, ni lini Serikali italipa madeni hayo.

**WIZARA YA UJENZI, UCHUKUZI NA MAWASILIANO:**

**102. MHESHIMIWA DKT. SHUKURU JUMANNE  
KAWAMBWA (BAGAMOYO):**

Atamuuliza Mheshimiwa Waziri wa Ujenzi, Uchukuzi na Mawasiliano:- Mwezi Septemba, 2015 Serikali za Tanzania, China na Oman kwa pamoja zilisaini mkataba wa ujenzi wa bandari mpya ya Bagamoyo:-

Je, ni lini ujenzi wa bandari hiyo utaanza rasmi.

**WIZARA YA VIWANDA, BIASHARA NA UWEKEZAJI:**

**103. MHESHIMIWA LUCIA MICHAEL MLOWE  
(VITI MAALUM):**

Atamuuliza Mheshimiwa Waziri wa Viwanda, Biashara na Uwekezaji:- Ardhi ya Njombe inahitaji mbolea kwa wingi zaidi kuliko Mikoa mingine:-

Je, Serikali ina mkakati gani wa uanzishaji wa kiwanda cha mbolea Mkoani Njombe.



**IV. KAULI ZA MAWAZIRI:**

**WAZIRI WA KILIMO:**

**V. HOJA ZA SERIKALI:**

**WAZIRI WA KATIBA NA SHERIA:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Katiba na Sheria kwa Mwaka wa Fedha 2018/2019.



**DODOMA  
18 APRILI, 2018**

**S. KAGAIGAI  
KATIBU WA BUNGE**